



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt XCI.

urn:nbn:de:hbz:466:1-11261

CAPVT XC.

*S. Nicolai de Arenis monasterium, in
Sicilia.*

Fuit hoc monasterium olim extra, nunc
intra urbem Catanensem situm: à quo
nomen olim habuit Congregatio S. Ni-
colai de Arenis circa annū Christi 1300. Sed
desijt ea anno 1506. quando dictum Catanen-
se monasterium, cum alijs quinque, Congre-
gationi Cassinensi accessit.

1300.

CAPVT XCI.

*Etalense monasterium, vulgò Etal in d.
Frisingensi.*

Imp. Ludouicus quartus (vt habet historia
monasterij, sed Ioannes Auentinus in An-
nalibus suis, lib. 7, non meminit historię
sequentis, fortè non satis fide dignę,) cum
propter nimias impensas, quas in Italia fece-
rat, ita vt ei iam necessarij sumptus pro reditu
in Germaniam deficerent, admodum sollici-
tus esset, veniente quadam die ad se monacho,
& spem facienti, illum ex his malis emer-
surum; ea conditione, si postquam in Germani-
am redijset, monasterium in loco suę diti-
onis, *Ampherang* dicto, in honorem Dei &
beatissimę virginis Marię exstrueret; fidem

Z 3.

dedit,

dedit, se illud sedulo exsecuturum, & coenobium in praedicto loco conditurum. Quamobrem illico a quodam Regulo Italiae, quem una cum ditioe sua libertatis iure donavit, magnam pecuniae vim accepit; ita ut oppignorata omnia redimere posset: In Germaniam itaque reversus, in *Partenkirchen* a quodam venatore, Henrico *Vend* nomine, exceptus est, ex quo de loco illo *Ampherang* quaesivit. Cumque ille in vicinia iam esse diceret, eoque Imperatorem deduceret iussit Imperator illic ligneam domunculam pro venatore aedificari, silvamque olim latronum receptaculum extirpari, & ita monasterium, quod promiserat erigo, in honorem B. Mariae Virginis, posuitque primum lapidem simul quoque offerens effigiem B. Virginis ex alabastro factam, quam illi monachus in Italia dederat, quae usque hodie adhuc ibi ostenditur in die Vitalis Martyris, anno 1330. Instituitque Abbatiam S. Benedicti pro 20. monachis, quorum 14. sacerdotes esse deberent. Primus Abbas ex monasterio Reichenpach hic positus, nomine Fridericus Heinrichcenter. Ita Hundius.

1330.



AN

ANDECHENSE *Monasterium, vulgò*
Auff dem Heiligen Berg Andech, *in*
Bauaria.

Lvdouicus, Boiariæ Princeps, pater Lu-
douici Imperatoris, *Andechs ædem*, quæ
cum arce ante quinquaginta annos diruta
erat, refecit. Vide Comites Andecenses, &
tractatum singularem de fundatione & sacris
reliquijs Andecensibus impressum: item Vi-
tum Arnpeck in Chronicis Bauariæ. Anno
1388. sacra, quæ ibi diutius sub terra latuere,
(hinc mons *Andechs sacer* appellatus) à Iaco-
bo Dachauer Franciscano reperta, iussu Prin-
cipū Monachiū translata sunt, ibidemq; ostē-
sa populo: postea ad montē sanctum *Andechs*
relata sunt per Ernestum Ducem, qui ibi col-
legium pro septem mystis instituit. Albertus
Dux Bauariæ, Comes Vochburgensis, filius
Ernesti, auctoritate Summi Pontificis amotis
Præposito & Canonicis secularibus, ibi
substituit monachos Benedi-
ctinos. Ita Hun-
dius.

1388.

